

Ich soll mir vbel thun vnd vordieß zu dem todt willig treden  
Dan Christus spricht. Welcher seyn Creutz nit nympt/ vnd sol  
get mir nit nach/ der ist meyn vnwürdig. Das wort Creutz/ Be  
deut leyden/ vorachtung/ hon/spott/ vlachen/ sterben/ vorterven. Luc. 14  
ya miderfaren in die clüfften/ derhellen/ doch nach gotlichem ge  
fallen/ bedeutet auch das ein kon Christi absterben muß.

Nun sagt Christus / das wir das Creutz annemen / vnd yhm  
nachfolgen sollen/ daruß ist von noten / Das wir entlich auff  
das Creutz ( das ist auff elendt vnd smertzen ) gehefft werden.  
Derhalben solt yhr euch/ nit bekümmern/ ob ich gleych auff ey  
nen rast gebunden vnd vorbrant würt. ¶ Ist doch Christus  
ein reynen mensch vnd gott gewesen/ vnd hatt sich/ nit geschemet  
an eynem galgen zu hangen vnd sterben.

¶ Wie wol ich nach des Creutz/ meynes alden Adams halbē/  
nit gedēck zu lauffen/ ich seen mich auch nit sonderlich nach des  
fesz. Derwegen wil ich ( wie Dauid/ vor Absolon geflogen/  
vor dem Florentinischen Lawē vō eynen stadt in die andern flie  
hen. Werde ich gnad in den augen des herzen finden / so wirt er 2. Reg. 15.  
mich wol wider brengen vnd behüten. Würt er aber sagen/ du  
gefellest mir nicht/ so byn ich gegenwertig/ das soll geschehen/  
Dz gut ist yn seynem willen/ ab mirs gleych bitter vnd herb / geln  
vnd eyter ist. ¶ Es ist tausent mall nutzer/ ich nem das creutz  
vnd leyde eyn schmelichen vñ schmerzlichen todt/ dan das ich/  
das wort gottis abschweer vnd vorleugnen Christi. Dan ich Matth. 10.  
weyß/ werde ich meyn seel/ von wegen des worts Christi vnser  
hern vnd gottis/ vorterven vnd sterben/ so wert ich sie ewiglich  
bewaren/ wert ich aber meyn seel/ alhie findē/ das ist/ werde ich  
sie/ also lieben/ das ich leyden vñ elend fliehen wil/ vñ das wort  
gottis felschen oder vomeynen/ so werd ich meyn seel vorterven  
Nun hörent vnd merckent liebe freunde / soll ich mich selber ge  
lassen/ von wegen gotlicher eh/ waruß solt ich euch nit lassen?  
vnd vorleuchnen/ wan yhr mich von dem wort gottis abwen  
dig machen wolt? Ich weyß/ das ich keyn iünger vnd nachfol Luce. 14.  
ger Christi kan geseyn/ ich lasse dan vatter vnd mutter/ Brüder  
vnd Schwester/ vnd freund/ vnd meyn aygen natur / haut vnd  
har/ es muß alles seyn gelassen/ das in mir vñ auß mir ist/ alles  
das mich yhr hymel erdrich yn seel vnd leyp hyndert.

B ij